



N° 5006
Reçue le 24.09.2021
Déclarée recevable et urgence reconnue
Président de la Chambre des Députés
(s.) Fernand Etgen
Luxembourg, le 24.09.2021

Här Fernand Etgen
President vun der Chamber

Lëtzebuerg, de 24. September 2021

Här President,

Esou ewéi den Artikel 81 vum Chambersreglement et virgesäit, bidden ech Iech, dës **drénglech parlamentaresch Fro** un d'Madamm Gesondheitsminister an un den Här Educatiounsminister weiderzeleeden.

D'Grondschoul ass eréischt e puer Deeg amgaang, a scho sëtze Kanner a Quarantaine. Well se Covid-19-Symptomer hunn, oder well se mat positiv geteste Kanner a Kontakt waren.

Well et de „Large Scale Testing“ zanter dem 15. September net méi gött, musse Kanner mat Covid-19-Symptomer fir d'éischt eng Télé-Consultatioun mat engem Dokter maachen, fir uschléissend e Rendez-vous fir e gratis PCR-Test kënnen unzefroen. Den Zäitopwand geet doduerch erop.

Virun dësem Hannergrond wéilt ech folgend Froen un d'Madamm Gesondheitsminister an un den Här Educatiounsminister stellen :

- Wéi vill Kanner sinn zanter dem 15. September an der Grondschoul a Quarantaine gesat ginn?
- Kann den Här Educatiounsminister en Tableau mat détailléierten Zuelen zu de „Mises en quarantaine“ zanter dem Grondschulufank virleeën, opgeschlësselt no Regionaldirektiounen a Gemengen, an ënnerdeelt a „positiv op Covid-19 getest“ respektiv „mat engem positiv geteste Kand a Kontakt gewiescht“?
- Kann d'Madamm Gesondheitsminister confirméieren, dass d'Covid-19-Hotline zanter dem Schoulufank am Fundamental iwwerlaascht ass?
- Wa jo, wéi eng Mesuren gedenkt d'Madamm Gesondheitsminister en Place ze setzen, fir ze verhënneren, dass den Tracing retardéiert gött?
- Wéi stinn d'Madamm Gesondheitsminister an den Här Educatiounsminister zum Zäitverloscht, dee sech aus der Noutwendegkeet ergëtt, en Dokter ze consultéieren, fir eng Ordonnance fir e gratis PCR-Test fir e Kand ënner zwielef Joer ze kréien?
- Firwat verschéckt de Ministère de la Santé net automatesch eng Ordonnance fir e gratis PCR-Test, wann d'Eltere vun engem Kand mat Symptomer a positivem Schnelltest de „Contact Tracing“ kontaktéiert hunn?
- Wéi wëll den Här Educatiounsminister de Wëssensréckstand opfänken, dee bei deene Kanner entsteet, déi a Quarantaine gesat ginn?

Här President, ech bieden Iech, mäin déifste Respekt unzehuelen.

A handwritten signature in black ink, consisting of several overlapping, fluid strokes that form a stylized, abstract shape.

Martine Hansen

Co-Fraktiounspresidentin



LE GOUVERNEMENT
DU GRAND-DUCHÉ DE LUXEMBOURG
Ministère de la Santé

Monsieur le Ministre
aux Relations avec le Parlement
Service central de législation
5, rue Plaetis
L-2338 Luxembourg

Luxembourg, le 30 septembre 2021

Réf. : 83ax76c15

Concerne: Question parlementaire n°5006 du 24 septembre de Madame la Députée Martine Hansen

Monsieur le Ministre,

J'ai l'honneur de vous faire parvenir en annexe la réponse commune de Monsieur le Ministre de l'Education nationale, de l'Enfance et de la Jeunesse et de la soussignée à la question parlementaire urgente n° 5006 du 24 septembre 2021 de Madame la Députée Martine Hansen concernant « Mise en quarantaine d'élèves de l'enseignement fondamental »

Veuillez agréer, Monsieur le Ministre, l'assurance de ma considération très distinguée.

Paulette LENERT
Ministre de la Santé



Réponse commune de Madame la Ministre de la Santé et de Monsieur le Ministre de l'Éducation nationale de l'Enfance et de la Jeunesse à la question parlementaire urgente n°5006 du 24 septembre 2021 de Madame la Députée Martine Hansen concernant « Mise en quarantaine d'élèves de l'enseignement fondamental »

Tëscht dem 15. an 24. September 2021 sinn an der Direktioun vun der Santé 185 Fäll vu Covid-19 bei Kanner aus dem Fondamental am Alter tëscht 3 an 12 Joer deklariert ginn, déi hei am Land wunnen. Déi Kanner kruten alleguer eng "Ordonnance d'isolement" vum Direkter vun der Santé geschéckt.

Doriwwer eraus goufen am Contact tracing an der selwechter Period 2.404 Dossieren traitéiert vu Kanner am Fondamental tëscht 3 an 12 Joer, déi a Kontakt stoungen mat engem deklarierten Covid-19 Fall. Dovunner kruten der 1.843 eng "Ordonnance de quarantaine" a vun deene 916 eng « Autorisation de sortie école » vum Direkter vun der Santé geschéckt.

Aus Dateschutzgrënn publizéiert de Gesondheitsministère keng détailléiert Donnéeën opgeschlësselt op Gemengen fir spezifesch Altersklassen iwwert kleng Perioden eraus, well doduercher Persounen virun allem a klengem Gemengen identifiabel kënnen sinn, wann aner Datequellen mat bäigezu ginn.

D'Covid-19-Hotline ass aktuell nët iwwerlaascht an de Contact tracing huet och am Moment kee Retard.

Am Fall vun engem positive Resultat vun engem Autotest, deen doheem gemaach gëtt an iwwert d'Applikatioun vun der Santé saiséiert gëtt, gëtt net automatesch eng Ordonnance fir e PCR-Test ausgestellt.

Fir am Schoulkontext enger ongläicher Behandlung tëscht deene Kanner, déi sech an der Schoul testen, an hei iwwert en automatiséierten Envoi eng Ordonnance fir e PCR-Test geschéckt kréien, an deene Kanner, déi sech doheem testen, aus dem Wee ze goen, ass eng Prozedur en place gesat ginn, fir deene betraffene Persounen zäitno eng Ordonnance fir e PCR-Test zoukommen ze loosse. Dës Ordonnancë fir de PCR-Test gi nach de deeselwechten Dag verschéckt, wann den positiven Antigentest no 18:30 Auer gemellt gëtt, ginn Ordonnancen den Moien drop verschéckt.

Beim Oprieden vun engem oder zwee positive Fäll an enger Klass, ginn d'Matschüler, déi weder geimpft nach rétabléiert sinn, a Quarantaine gesat, kréien awer zugläich eng Dérogation, déi hinnen et erlaabt, weider an d'Schoul ze goen. Dofir mussen zwou Condiitiounen respektéiert ginn: de Port du Masque an d'Deelhuelen un engem renforcéierten Testing. D'Quarantaine gëtt, esou wéi d'Gesetz et virschreift, opgehewen duerch e negative PCR-Test. Déi geimpft a rétabléiert Persounen, déi am Kontakt mat der positiv getester Persoun waren, kréien och eng Ordonnance fir e PCR-Test.

Érischt ab dem drëtte positive Fall an enger Klass, sinn déi Kanner, déi weder geimpft nach rétabléiert sinn, an enger Quarantaine. Wann d'Majoritéit vun der Klass a Quarantaine ass, gëtt en Enseignement à distance assuréiert. Déi rétabléiert a geimpfte Kanner kënnen weider an d'Schoul kommen.

Grad wéi och bei Absencen am Krankheetsfall, kréien déi Kanner, déi positiv getest goufen, an an Isolement sinn, grad wéi déi, déi a Quarantaine gesat goufen, e Suivi vun hiren Enseignanten.